

名山縣志卷十一

知縣事遵義趙 懿纂輯

兵防

分防名山縣汛阜和協黎雅營左哨貳司把總壹員
設署城內南街舊額馬兵壹名戰兵伍名守兵貳拾
肆名疊經裁汰同治間戰守額兵貳拾伍名今額兵
貳拾名

分防百丈驛汛舊額馬兵壹名戰兵壹名守兵捌名
乾隆五年雅州府曹掄彬詳請額設外委把總壹員
兵丁拾名今分駐額外壹員兵丁陸名

塘堠東路五十五里仙洞子塘白土坎塘洗馬池塘
鱔魚橋塘釣舫池塘每塘兵叁名西路十五里金雞
關塘屬雅安縣

郵驛

康熙二十四年撥巴縣白市驛馬陸匹馬夫叁名安
設百丈驛每馬壹匹日支草料銀陸分每馬夫壹名
日支口食銀肆分捌釐五十年撥合州擯夫肆名西
充縣擯夫貳名共陸名安設百站驛每夫壹名日支
工食銀壹分貳釐又歲額支倒斃馬叁匹價銀貳拾
肆兩今扣減外實支銀拾叁兩玖錢貳分又額留廩給口糧銀捌兩未今
應付并皮載申解銀拾兩零雍正六年增設百站驛馬陸匹馬夫
叁名草料工食銀如前又歲額支棚廠槽鑿銀壹拾

柒兩零肆分

兩扣減外實支銀玖

十年增設損夫貳

名每夫壹名日支工食銀貳分全年共額支馬拾貳匹馬夫陸名損夫捌名工料口食槽鑿馬價銀肆百陸拾貳兩奉文於地丁內扣留支給乾隆五十一年奉文解司請領至光緒十三年撥解臬司核扣外給領銀貳百陸拾餘兩

舖遞乾隆二年額設舖遞捌舖在城底舖東至邛州界伍拾里和尚舖新店場梁家灣萬工坡黑竹關西至雅安縣界十里門坎舖金雞橋每舖舖司壹名舖兵叁名共司兵叁拾貳名每名歲支工食銀陸兩共銀壹百玖拾貳兩遇閏加增咸豐四年奉文全行裁汰酌留二成工食銀叁拾捌兩肆錢以作津貼捐馬工料之費於地丁內申解扣減外給領銀貳拾貳兩貳錢柒分貳釐

典制

元旦冬至

萬壽節朝賀

〔大清通禮〕省會守土官豫於公所正中恭設

皇帝萬歲龍牌於亭南向設香案於亭之南其日五鼓有司設燎於庭設鐙於門廡以道員或府同知一人糾儀學弟子員二人通贊二人引班夜漏未盡朝服畢會質明引班引入至丹墀內東西序立文東武西糾

儀官位班行之北通贊贊齊班引班分班至拜位前立贊進少進贊跪叩興羣官行三跪九叩禮畢引退若府不附省州縣不附府者在城文武官於公所按班行禮均如省會儀州縣均用教官一人糾儀按現在各省公所俱恭建

萬壽宮設朝鼓鼓三嚴各官排班行禮畢贊坐班各官以次屈膝坐少頃贊興引退凡朝賀前後七日均穿朝服前三日後四日

迎

詔

大清會典凡頒詔之禮直省會城傳集耆老眾庶於公所候聽宣讀將軍督撫提鎮率所屬文武官具龍亭黃

蓋龍旗御仗出郭恭蒞

詔至跪迎齋

詔官奉設龍亭內旗仗導行各官興皆乘馬從至公廡陳詔於堂上正中通贊贊排班禮生引各官就階下拜位文東武西北面序立如朝賀儀贊跪眾咸跪宣

詔官恭奉西面宣讀訖贊跪叩興眾行三跪九叩禮畢迺騰黃頒布府州縣衛營汛宣播

德音無有不徧通禮齋

詔所經府州縣五里之內文武官朝服跪迎軍民伏道右候過五里外者不許騰黃至日宣布軍民均與省會儀同

受朔

〔大清會典〕凡頒朔之禮歲以孟冬一日頒來歲十有二月之朔以前民用直省布政使司各給欽天監時憲書印貯於庫歲四月欽天監以奏准來歲時憲書式頒各布政使司刊刻成書鈐以所貯監印孟冬月彙送督撫署督撫設香案陳時憲書禮生引贊率所屬文武官朝服望

闕行三跪九叩禮祇領訖布政使司迺分發專城之道府轉行所屬州縣分駐之提鎮轉行所屬標營到日行禮祇領均與會城同迺頒布民間山陬海澨無有不徧僞造者論如律

迎春

〔大清通禮〕直省迎春之禮先立春日各府州縣於東郊造芒神土牛立春在十二月望後芒神執鞭當牛肩在正月朔後當牛腹在正月望後當牛膝示民農事早晚屆立春日吏設案於芒神春牛前陳香燭果酒之屬案前布拜席通贊執事者於席左右立府州縣正官率在城文官丞史以下朝服畢詣東郊立春時至通贊贊行禮正官一人在前餘以序列行就拜位贊跪叩興眾行一跪三叩禮執事者舉壺爵跪於正官之左正官受爵酌酒酌酒三授爵於執事者復行三叩禮眾隨行禮興迺昇芒神土牛鼓樂前導各官後

從迎入城置於公所各官執采杖環立樂工擊鼓擊
土牛三迺各退

土牛芒神式 會典歲六月欽天監豫定春牛芒神
之制冬至後辰日於歲德方取水土製造以桑柘木
爲骨牛身高四尺象四時長八尺象八節尾長一尺
二寸象十二月頭色視年干身色視年支腹色視年
納音角耳尾色視立春日干脛色視立春日支蹄色
視立春日納音口開合尾左右麾視年陰陽陽口開
陰口合陽麾左陰麾右芒神長三尺六寸五分象三
百六十五日鞭長二尺四寸象二十四氣老少視年
支孟仲季衣色帶色視立春日支衣色用尅支帶色

用支生置髻視立春日納音金耳前木耳後水左前
右後火左後右前土在頂直上罨耳視立春時晝夜
子丑全戴寅揭左亥揭右卯至戌則手提陽時左提
陰時右提行纏鞋袴視立春日納音水俱有火俱無
土有袴餘無金木俱有金左行纏懸於腰木右行纏
懸於腰土牛鼻用拘芒神手執鞭拘以桑柘木鞭以
柳枝拘繫繩鞭著絲視立春日支寅巳申亥用麻子
卯午酉用苙丑辰未戌用絲芒神立牛左右視年陰
陽陽立牛左陰立牛右芒神立牛前後視立春距歲
前後歲前五日外立春者立牛前歲後五日外者立
牛後歲前後五日內立春者立與牛並

土牛法以歲之干色爲首支色爲身納音色只以腹立
春日干色爲角尾支色爲頸至元所頒經式只以腹立
春日爲法日干爲頭角耳支爲身色納音
爲蹄尾肚色明初襲元製今所用蓋宋法也

朔望行香

大清會典每月朔望直省督撫及各道印官咸率屬具禮

服分詣 文廟 武廟 文昌廟 城隍廟及各方

祀 神祠位前上香三炷跪叩如常儀

九六三視各廟祭祀之數

按雍正間覆准朔望行香須在黎明以昭誠敬又每月行香後詣明倫堂講書亦與上任講書儀同

救護日月

大清通禮直省府州縣衛遇日月食按欽天監推定時刻分秒隨地救護前期五月欽天監推

京師及各省所見日月食分秒時刻疏

聞下禮部徧布中外屆期行救護禮各省所見不及一二分及不見食者毋庸救護凡救護以素服將事省會於督撫署府州縣衛各於公署均以督撫及正官一人領班行禮佐貳教職二人糾儀學弟子員二人通贊二人引班陰陽官一人報時至日班首官上香伐鼓眾官祇跪行禮並與

京師救護同按儀注凡日食結綵於本衙門儀門及大堂設香案於月臺上設金鼓於儀門內兩旁設各官拜位於月臺上俱向日陰陽生報日初食贊禮生贊排班各官俱朝服立贊跪叩各官行三跪九叩頭禮

班首官上香贊禮生贊跪各官俱跪班首官擊鼓三聲眾鼓齊鳴再上香各官俱暫起立上香畢各官仍跪以後上香行禮同陰陽生報復圓鼓聲止贊禮生贊跪叩各官行三跪九叩頭禮禮畢各官散月食儀同檔冊又會典救護自初食以至復圓皆穿朝服今初穿補服次穿素服次穿朝服

上任

凡新官到任本衙門預備儀仗前期出城迎至日新官具公服首領官率各房吏典併合屬官人等導引新官先詣城隍廟陳牲醴致告行一跪三叩禮獻爵讀祝或有誓詞讀畢仍行一跪三叩頭禮如前儀畢

導引至本衙門儀門前陳牲醴致祭行一跪三叩頭禮如前儀畢導引至月臺上設香案朝服望闕行三跪九叩頭禮易公服拜印行一跪三叩頭禮畢坐公座開印阜隸排衙吏房呈押公座畢參見吏役屬官畢三日內行香講書

講書儀先於明倫堂設公座及講案文武諸生拱候於儒學門新官至一揖導引詣明倫堂公座諸生行庭參禮新官拱答如儒學官同坐敘說畢講書直講之生向上三揖端立抗聲講說書義畢三揖而退又輪直講如前儀講畢新官申訓辭分給紙筆獎直講者新官起諸生仍趨儒學門拱候揖送

開封印信

每正月開印十二月封印皆遵照部行欽天監擇定日時行禮儀注開印儀與上任拜印同封印跪叩同開印惟標記封印不呈押公座官吏參謁如前儀冊檔

開徵

每歲二月擇吉開徵朝服叩

闕易公服坐大堂設錢糧櫃並花紅酒果糧民有能急公完納者賜飲三杯飲畢簪掛花紅鼓樂送出冊檔

勸農

〔大清會典〕凡勤耕務本之農該管官時加獎勵每州縣量設老農八人以爲董率察其勤儉無過者准給八品

頂戴遇農忙則停徵停訟以勤農事

送學

凡督學歲科取進文武新生紅案發到府州縣官送學肄業行送學禮前期擇日傳集新生至日府州縣官於大堂公廟簪掛花紅諸生行庭參禮本官拱立答禮稟拜免由中門鼓樂導出府州縣官率領諸生謁文廟行三跪九叩頭禮畢府州縣官詣明倫堂與儒學官交拜行兩禮畢新生次見儒學官行四拜禮儒學官立受兩拜陪受兩拜冊檔

賓興

凡三年鄉試府州縣官前期七日延集錄科生員行

賓興禮先期儒學官將奉准督學錄科生員起具紅批呈送府州縣官擇日具書柬延集科舉諸生至日結綵於大堂或明倫堂鼓樂設筵拜揖如儀府州縣官與諸生簪掛花紅就坐府州縣官儒學官東西僉坐諸生以次兩旁列坐酒五行或十行起由中門送

出
冊

鄉飲酒

順治元年定京府及直省府州縣每歲於正月十五日十月初一日舉行鄉飲酒禮設賓介主人眾賓之席順天以府尹爲主直省府以知府州以知州縣以知縣爲主大賓擇鄉里年高有德之人位於西北介以次長位於西南三賓以賓之次者爲之位於賓席之西眾賓序齒列坐司正以教職爲之主揚觶以罰失儀者贊禮讀法以生員爲之以申明

朝廷之法敦序長幼之節

二年定鄉飲酒讀律令曰律令凡鄉飲酒序長幼論賢良高年有德者居止其次序齒列坐有過犯者不得干與違者罪以違

制失儀則揚觶者以禮責之

雍正元年奉

上諭鄉飲酒禮乃養老尊賢之古制聞年久視爲具文所備筵宴亦甚草率應加謹舉行

乾隆二年議准嗣後鄉飲酒禮坐次悉依定序並先刊刻儀注分給賓僎執事人等遵照行禮應讀律令卽開載於儀注之後令讀者照例講讀其在省會令督撫派委大員監讀各府州縣亦令該地方官實心奉行有違條越禮者依律懲治又鄉飲之典重在賓僎得人方可以示觀感而興教化若該地方官徇情濫舉固屬不職乃亦有實係齒德兼優之人而一種不肖之徒於未舉之先設計需索及行舉之後又復索瘢求疵聲言冒濫希圖訛詐以致地方官亦多瞻顧每不舉行致曠

大典應令該督撫通行嚴飭嗣後所舉賓僎務擇齒德

兼優之人如地方官濫舉題參議處倘所舉得人而不法之徒或有藉端阻撓者嚴行究治

乾隆十八年議准各省舉行鄉飲事不畫一旦竟有頻年闕略不舉致曠

大典者應令各省督撫轉飭所屬府州縣每歲遵照定例於正月十月舉行二次其賓介之數據會典所載鄉飲酒圖有大賓介賓一賓二賓三賓眾賓與大僎一僎二僎三僎之名按儀禮賓若有尊者諸公大夫則既一人舉觶乃入注言今文遵爲僎又曰此鄉之人仕至大夫者來助主人樂賓主人所榮而遵法者也或有無來不來用時事耳又曰不干主人正禮也

謂之賓者同從外來耳大國有孤四命謂之公又疏言一人舉觴爲旅酬始乃入卽是作樂前入又戴記坐僎於東北以輔主人所謂席於賓東助主人樂賓者也其言主人親速賓及介而眾賓自從之至於門外主人拜賓及介而眾賓自入三揖至於階三讓以賓升拜至獻酬辭讓之節繁及介省矣至於眾賓升受坐祭立飲不酢而降皆無一言及僎者所謂不干主人正禮者也嗣後應令順天府及直省府州縣先期訪紳士之年高德邵者一人爲賓次爲介又次爲眾賓皆由州縣詳報府尹督撫核定舉行其本地有仕至顯官偶居鄉里願來觀禮者依古禮坐於東北

順天府及直省會城一品席南嚮二三品席西嚮各府州縣三品以上席南嚮四五品席西嚮無則闕之不立一僎二僎三僎之名不入舉報之內仍將所舉賓介造具姓名籍貫清冊送部存案倘鄉飲後間有過犯按所犯輕重詳報褫革咨部除名並將原舉之官議處

乾隆二十七年議准嗣後凡鄉飲賓內除貢監生已經考職候選者准其照應選之職服用頂帽補褂外其餘監生用金雀頂青袍藍邊生員銀雀頂藍袍青邊至於耆民並無品級應穿用鮮明常服不得濫用金頂補服

鄉飲儀注並圖


鄉飲酒儀注京府及直省府州縣歲以孟春望日孟冬朔日舉行於儒學前一日執事者於儒學之講堂依圖陳設坐次司正率執事諸生習儀至日黎明執事者宰牲具饌主人及僚屬司正先詣學遣人速賓僕以下賓至主人率僚屬出迎於庠門之外揖入主居東賓居西三揖三讓而後升堂東西相向立贊兩拜賓坐僕至主人又率僚屬出迎揖讓升堂拜坐如前儀賓僕介至既就位執事者贊司正揚觶引司正由西階升詣堂中北向立執事者贊賓僕以下皆立贊揖司正揖賓僕以下皆揖執事者以酒授司正司

正舉酒曰恭維

朝廷率由舊章敦崇禮教舉行鄉飲非爲飲食凡我長幼名相勸免爲臣盡忠爲子盡孝長幼有序兄友弟恭內睦宗族外和鄉里無或廢墜以忝所生讀畢執事者贊司正飲酒飲畢以觶授執事執事者贊揖司正揖賓僕以下皆揖司正復位賓僕以下皆坐贊讀律令執事者舉律令案於堂之中引讀律令者詣案前北面立贊賓僕以下皆立行揖禮如前讀畢復位執事者贊供饌案執事者舉饌案至賓前次僕次介次主三賓以下各以次舉訖執事者贊獻賓主起席北面立執事者酌酒以授主主受爵詣賓前置於席

稍退贊兩拜賓答拜訖執事者又酌酒以授主主受爵詣僎前置於席交拜如前儀畢主退復位執事者贊賓酬酒賓起僎從執事者酌酒授賓賓受爵詣主前置於席稍退贊兩拜賓僎主交拜訖各就位執事者分左右立以次酌酒獻三賓眾賓徧賓主以下酒三行供羹執事者以次酌酒飲酒供饌三品畢執事者贊徹饌候徹饌案訖贊賓僎以下皆行禮僎主僚屬居東賓介三賓眾賓居西贊兩拜訖贊送賓以次下堂分東西行仍三揖出庠門而退

並學政全書



作樂 會典凡鄉國之樂府州縣鄉飲酒設雲璈一方響一琴二瑟一簫四笛四笙四手鼓一拍板一正月以太簇爲宮十月以應鐘爲宮

歌詩 通禮鄉飲酒禮賓主獻酬訖工升歌周詩鹿鳴三章卒歌笙奏

高宗純皇帝御製補南陔詩辭曰我逝南陔言陟其岵昔我行役瞻望有父欲養無由風木何補我逝南陔言陟其岵今我行役瞻望有母母也倚閭歸則寧止南陔有筍籜實勺之孱孱孩提孰噢咻之慎爾溫清潔爾旨肴今爾不養日月其慆

御製補白華詩辭曰有白者華不污纖塵咨爾士兮宜修其身不修其身迺貽羞於二人有白者華婉茲靜好咨爾女兮宜修婦道不修婦道迺貽羞於二老白華匪玉涅而不緇白華匪蘭芬迺勝之我擷白華載詠載思白華匪玉質玉之令白華匪蘭臭蘭之淨我擷白華載思載詠

御製補華黍詩辭曰瞻彼阪田厥黍始華胠足胠手嗟嗟我農夫瞻彼阪田黍華以秀胠手胠足惟勤斯殖茂華有不秀矣秀有不實矣其雨其雨矣杲杲日出矣怒予愁之恤矣間歌周詩魚麗南有嘉魚南山有臺三章笙奏

御製補由庚詩辭曰王庚便便東西朔南六部調燮八風節宣王庚容容朔南西東維敬與勤百王道同王庚廓廓東西南朔先憂而憂後樂而樂王庚恢恢南朔東西皇極孰

建惟德之依

御製補崇邱詩辭曰澗松童童蛙黽隣兮邱草萋萋蕩青雲
兮凡百君子慎迺託身兮澗松童童澗則卑兮邱草萋萋
邱則崎兮凡百君子審迺所依兮有崇者邱物無不遂有
卓者道愚而不智資生育德永植無替

御製補由儀詩辭曰在上曰天在下曰地君君臣臣父父子
子在下曰地在上曰天父父子子君君臣臣由其儀矣物
則熙矣儀其由矣物則休矣迺合樂歌周南關雎三章召
南鵲巢三章卒歌工告備出

講約

每月朔望於講約所宣講

名山縣志卷十一

典制

十五

聖諭十六條曉諭士民人等恭設

聖諭牌設約正直月以司講約設木鐸老人以宣警於道
路地方文武教職各官齊集贊禮生贊排班各官依
次就拜位立贊跪叩興各官行三跪九叩頭禮畢分
班坐地率領軍民人聽講畢各官散

雍正七年奉部文覆准凡州縣城內及大鄉村擇一
寬閒清淨之處設爲講約所約正置二籍德業可勸
者爲一籍過失可規者爲一籍直月掌之月終則以
告於約正而授於其次每月朔日直月預約同鄉之
人夙興會集於講約所俟約正及耆老里長皆至相
對三揖眾以齒分左右立設几案於庭中直月向案

北面立先讀

聖諭廣訓皆抗聲宣誦使人鵠立悚聽然後約說其義剴切叮嚀使人警悟通曉未達者仍許其質問講畢於此鄉內有善者眾推之有過者直月糾之約正詢其實狀眾無異詞乃命直月分別書之直月遂讀記善籍一遍其記過籍呈約正及耆老里長默視一遍皆付直月收掌畢眾揖而退歲終則考校其善過彙冊報於府州縣官府州縣官設爲勸懲之法有能改過者一體獎勵使之鼓舞不倦

並檔冊

乾隆元年議准直省各州縣於各鄉里民中擇其素行醇謹通曉文義者舉爲約正不拘名數令各就所近村鎮恭將

名山縣志卷十一

典制

十六

聖諭廣訓勤爲宣講誠心開導並摘所犯律條刊布曉諭仍將嚴飭地方官及教官不時巡行講約之所實力宣諭使人人共知倫常大義如有虛立約所視爲具文者該督撫卽以怠荒廢弛題參照例議處

乾隆五年奉

上諭從來爲治之道不外教養兩端然必衣食足而後禮義充故論治者往往先養後教朕御極以來日爲斯民籌衣食之源水旱之備所期薄海烝黎蓋藏充裕俯仰有資以爲施教之地而解慍阜財之效尙未克副朕懷第思降衷有物有則衣食以養其身教化以復其性二者相承而不

相妨不容偏廢正如爲學之道知先行後然知行並進非
劃然兩時判然兩事又安得謂養之之道未裕遂可置教
化爲緩圖也今學校徧天下山陬海澨之人無不挾詩書
而遊庠序顧學者徒以文藝弋科名官司以課試爲職業
於學問根本切實用功所在概未暇及司牧者盡心於薄
書筐篋或進諸生而譚舉藝則以爲作養人材振興文教
其於閭閻小民則謂是蚩蚩者不足與興教化平時不加
訓迪及陷於罪則執法以繩之無怪乎習俗之不淳而詬
誶囂凌之不能禁止也朱子云聖人教人大概只是說孝
弟忠信日用常行話人能就上面做將去則心之放者自
收性之昏者自明此深探立教本源至爲切實蓋心性雖

民之秉彝而心爲物誘則放性爲欲累則昏存心養性非
知道者不足與幾若夫事親從兄則家庭日用人人共由
孩提知愛少長知敬又人人同具不待勉強要之堯舜之
道不外乎是卽如得一食必先以食父母得一衣必先以
衣父母此卽是孝能推是心而凡所以順其親者無不至
則爲孝子父之齒隨行兄之齒雁行此卽是弟能推是心
而凡所以敬其長者無不至則爲悌弟一人如此人人從
而效焉一家如此一鄉從而效焉則爲善俗孟子曰人倫
明於上小民親於下又曰人人親其親長其長而天下平
由是道也惟在上者不爲提撕警覺則習而不察而一時
之明不勝夫積習之漸染重昏錮蔽日入於禽獸而不自

知任君師之責者奚忍不爲之申重而切諭之也我

聖祖仁皇帝頒

聖諭以教士民首崇孝弟

皇考世宗憲皇帝衍爲廣訓往返周詳已無遺蘊但朔望宣講祇屬具文口耳傳述未能領會不知國家教人字字要人躬行實踐樸實做去人倫日用正是聖賢學問至切要處堯舜之世比戶可封只是能盡孝弟放僻邪侈觸陷法網只爲不知孝弟記曰將爲善思貽父母令名必果將爲不善思貽父母惡名必不果誠能如此存心豈復有縱欲妄行之事苟不從此處切實做起雖誦讀詩書高談性命直謂之不學可耳凡有牧民課士之責者隨行隨事切實

訓誨有一事之近於孝弟則從而獎勸之一事之近於不孝不弟則從而懲戒之平時則爲之開導遇事則爲之剖晰如此則親切而易入將見父詔兄勉日積月累天良勃發率其良知良能以充孝弟之實藹然有恩秩然有義豫順積於家庭太和翔於宇宙親遜成風必從此始凡吾赤子其敬聽諸凡厥司牧其敬奉諸